



Broj:101-17-1-513/10
Sarajevo, 30.07.2010.. godine

PRIMLJENO: 30.07.2010			
Organizaciona jedinica	Klasifikaciona oznaka	Redni broj	Broj priloga
01-50-1-15	79	10	

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
SARAJEVO

Predmet: Odgovor na poslaničko pitanje poslanika Sefera Halilovića

Poslanik Sefer Halilović uputio je dva poslanička pitanja Centralnoj banci Bosne i Hercegovine i to :

« 1. Koliko iznosi plaća, zarada, honorar i druge naknade koje primaju guverner, viceguverner, članovi Upravnog vijeća , glavni interni revizor, službenici, korespodenti i ostalo osoblje Centralne banke Bosne i Hercegovine ?

2. Koja revizorska kuća je u 2009. godini izvršila reviziju finansijskog poslovanja Centralne banke BiH i koliko su plaćene usluge revizora ?»

Odgovor :

1. Plaće u Centralnoj banci Bosne i Hercegovine utvrđuju se na osnovu kategorizacije radnih mjesta, odnosno platnih skala, koje se kreću u rasponu od 600 do 3.500 bodova, a vrijednost boda iznosi 1,80 KM i koje su uvećane za minuli rad. Naknade koje imaju tretman ličnih primanja se isplaćuju u skladu sa Pravilnikom o platama i drugim primanjima službenika Centralne banke, jer u Centralnoj banci radi osoblje iz oba entiteta i Brčko Distrikta. Centralna banka obračunava i plaća porez i doprinose u skladu sa entitetskim propisima i propisima Brčko Distrikta na plaće i sve naknade koje imaju tretman ličnih primanja. Naknade koje imaju tretman plaća su: naknada za bolovanje, naknada za korištenje godišnjeg odmora, naknada za prekovremeni rad, naknade po osnovu plaćenog odsustva i sl. Službenicima se isplaćuju i dodatna primanja i naknade po osnovu radnog odnosa za ishranu tokom rada, naknada za prevoz, naknade kao pomoć radnicima oboljelim od teške bolesti, otpremnina zbog odlaska u penziju i naknade za putne troškove i sl. u skladu sa Pravilnikom o platama i drugim primanjima službenika Centralne banke.

Shodno odredbama Zakona o radu u institucijama Bosne i Hercegovine («Službeni glasnik BiH» br. 26/04,7/05 i 48/05) i Zakona o zaštiti javnih podataka («Službeni glasnik BiH» broj: 40/06), podaci o plaćama, zaradama i drugim ličnim primanjima predstavljaju podatke koji se bez saglasnosti pojedinca ne mogu objavljivati, radi čega je i Centralna banka Bosne i Hercegovine po preporuci Agencije za zaštitu ličnih podataka Bosne i Hercegovine, donijela dokument kojim je propisala način zaštite evidencija o takvoj vrsti podataka.

U Godišnjem finansijskom izvještaju Centralne banke Bosne i Hercegovine za 2009. godinu, koji je prihvatila Parlamentarna Skupština Bosne i Hercegovine navedeni su podaci o ukupnom iznosu koji je u 2009. godini isplaćen na ime plaća, naknada, poreza i doprinosa, radi se o 16.326.000,00 KM, od čega je na ime plaća i naknada isplaćeno 10.326.000,00 KM, a na ime poreza i doprinosa 5.761.000,00 KM.

Na ime plaća, naknada, poreza i doprinosa članovima upravljačke strukture Centralne banke Bosne i Hercegovine u 2009. godini isplaćeno je 1.751.000,00 KM, od čega na ime plaća i naknada 1.185.000,00 KM, a na ime poreza i doprinosa 566.000,00 KM.

2. Vanjsku reviziju računa i evidencija Centralne banke Bosne i Hercegovine u 2009. godini izvršila je revizorska kuća Deloitte d.o.o. Sarajevo, njihov izvještaj je sastavni dio Godišnjeg finansijskog izvještaja Centralne banke Bosne i Hercegovine za 2009. godinu. Ova revizorska kuća je izabrana na osnovu javnog natječaja i po cijeni je bila najjeftinija. Naknada za izvršene usluge revizije za 2009. godinu koja je ugovorom definisana iznosila je maksimalnih 76.277,37 KM plus pripadajući PDV u iznosu 12.967,15 KM. Stvarna fakturisana i plaćena cijena revizorskoj kući Deloitte d.o.o Sarajevo za 2009. godinu uključujući i PDV je iznosila 84.667,88 KM.

GUVERNER
dr Kemal Kozarić

